

Agong dan Permaisuri Bercemar Duli ke Majlis Menjunjung Kasih LBS Sempena Sambutan Tahun Baru Cina 2024

Petaling Jaya, 24 Januari 2024 – Pemaju harta tanah pilihan rakyat, LBS Bina Group Berhad (“LBS”) telah menganjurkan Majlis Menjunjung Kasih dan Minum Petang Tahun Baru Cina 2024 di Shangri-La Kuala Lumpur. Majlis tersebut turut diserikan dengan keberangkatan KDYMM Seri Paduka Baginda Yang Di-Pertuan Agong Al-Sultan Abdullah Ri’ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta’in Billah dan diiringi DYMM Seri Paduka Baginda, Raja Permaisuri Agong, Tunku Hajah Azizah Aminah Maimunah Iskandariah binti Almarhum Al-Mutawakkil Alallah Sultan Iskandar Al-Haj.

Tan Sri Ir (Dr) Lim Hock San, Pengurus Eksekutif Kumpulan LBS Group Berhad, merakamkan setinggi-tinggi penghargaan dan terima kasih di atas khidmat bakti Agong dan Permaisuri, serta memuji komitmen, kebijaksanaan serta bertimbang rasa di sepanjang tempoh pemerintahan Baginda berdua. Majlis Minum Petang tersebut turut dimeriahkan dengan kehadiran KDYMM Seri Paduka Baginda Tengku Mahkota Pahang, Tengku Mahkota Tengku Hassanal Ibrahim Alam Shah Ibni Al-Sultan Abdullah Ri’ayatuddin Al-Mustafa Billah Shah, serta dif-dif kehormat termasuk, Tuan Yang Terutama Tun Datuk Seri Utama Mohd Khalil bin Yaakob, Mantan TYT Ke-6 Melaka, YB Tan Sri Dato’ (Dr) Johari Bin Abdul, Speaker Dewan Rakyat, YB Senator Tengku Dato’ Sri Utama Zafrul Tengku Abdul Aziz, Menteri Pelaburan, Perdagangan Dan Industri, YAB Datuk Seri Utama Abdul Rauf Bin Yusoh, Ketua Menteri Melaka, dan Timbalan Speaker Dewan Rakyat, YB Puan Alice Lau Kiong Yieng bersama 500 tetamu kehormat.

Tan Sri Lim turut menzahirkan setinggi-tinggi penghargaan kepada seluruh keluarga LBS, termasuk kakitangan, pemegang saham, rakan kongsi perniagaan dan rakan

media, mengiktiraf komitmen berterusan dan peranan penting mereka dalam kejayaan organisasi. Sebagai pemaju harta tanah pilihan rakyat, LBS kekal teguh dalam komitmennya dalam memberi sokongan dalam memupuk perpaduan dan menyediakan penyelesaian perumahan berkualiti tinggi dan boleh dicapai. Komitmen ini sejajar dengan tanggungjawab sosial korporat LBS, termasuk cita-cita syarikat untuk mencapai Pelepasan Karbon Sifar Bersih menjelang 2050.

Kepada para pemimpin, rakan-rakan dan ahli keluarga yang hadir pada hari ini, saya menyampaikan hasrat ikhlas agar anda semua dilimpahi dengan kemewahan dan kejayaan sempena tahun Naga ini. Dedikasi Tuanku kepada rakyat, di dalam mengukuhkan perpaduan dan pembangunan progresif di negara kita telah meninggalkan kesan yang luar biasa dan akan diingati oleh negara untuk tahun-tahun yang mendatang," ujar Tan Sri Lim.

-Tamat-